

# Annapurna Mata Chalisa

1

2

॥ दोहा ॥

विश्वेश्वर-पदपदम की, रज-निज शीश-लगाय।  
अन्नपूर्ण! तव सुयश, बरनों कवि-मतिलाय॥

॥ चौपाई ॥

नित्य आनन्द करिणी माता। वर-अरु अभय भाव प्रख्याता॥  
जय! सौंदर्य सिन्धु जग-जननी। अखिल पाप हर भव-भय हरनी॥

श्रेत बदन पर श्रेत बसन पुनि। सन्तन तुव पद सेवत ऋषिमुनि॥  
काशी पुराधीश्वरी माता। माहेश्वरी सकल जग-त्राता॥

बृथभारुङ् नाम रुद्राणी। विश्व विहारिणि जय! कल्याणी॥  
पदिदेवता सुतीत शिरोमनि। पदवी प्राप्त कीहु गिरि-नंदिनि॥

पति विछोह दुख सहि नहि पावा। योग अग्नि तब बदन जरावा॥  
देह तजत शिव-चरण सनेहू। राखेहु जाते हिमगिरि-गेहू॥

प्रकटी गिरिजा नाम धरायो। अति आनन्द भवन मँह छायो॥  
नारद ने तब तोहिं भरमायहु। व्याह करन हित पाठ पढ़ायहु॥

ब्रह्मा-वरुण-कुबेर गनाये। देवराज आदिक कहि गाय॥  
सब देवन को सुजस बखानी। मतिपलटन की मन मँह ठानी॥

अचल रहीं तुम प्रण पर धन्या। कीही सिद्ध हिमाचल कन्या॥  
निज कौ तव नारद घबराये। तब प्रण-पूरण मंत्र पढ़ाये॥

करन हेतु तप तोहिं उपदेशेऽ। सन्त-बचन तुम सत्य परेखेहु॥  
गगनगिरा सुनि टरी न टारे। ब्रह्मा, तब तुव पास पथारे॥

कहेउ पुत्रि वर माँगु अनूपा। देहुँ आज तुव मति अनुरुपा॥  
तुम तप कीहु अलौकिक भारी। कष्ट उठायेहु अति सुकुमारी॥

अब संदेह छाँड़ि कछु मोसों। है सौगंध नहीं छल तोसों॥  
करत वेद विद ब्रह्मा जानहु। वचन मोर यह सांचो मानहु॥

तजि संकोच कहहु निज इच्छा। देहैं मैं मन मानी भिक्षा॥  
सुनि ब्रह्मा की मधुरी बानी। मुखसों कछु मुसुकायि भवानी॥

बोली तुम का कहहु विधाता। तुम तो जगके सष्ठाथाता॥  
मम कामना गुप्त नहिं तोसों। कहवावा चाहहु का मोसों॥

इज्ज यज्ज महँ मरती बारा। शंभुनाथ पुनि होहिं हमारा॥  
सो अब मिलहिं मोहिं मनभाय। कहि तथास्तु विधि धाम सिधाये॥

तब गिरिजा शंकर तव भयऊ। फल कामना संशय गयऊ॥  
चन्द्रकोटि रवि कोटि प्रकाशा। तब आनन महँ करत निवासा॥

माला पुस्तक अंकुश सोहै। करमँह अपर पाश मन मोहे॥  
अन्नपूर्ण! सदपूर्ण। अज-अनवद्य अनन्त अपूर्ण॥

कृपा सगरी क्षेमंकरी माँ। भव-विभूति आनन्द भरी माँ॥  
कमल बिलोचन विलसित बाले। देवि कालिके! चण्डि कराले॥

तुम कैलास मांहि है गिरिजा। विलसी आनन्दसाथ सिन्धुजा॥  
स्वर्ग-महालछमी कहलायी। मर्त्य-लोक लछमी पदपायी॥

विलसी सब मँह सर्व सरुपा। सेवत तोहिं अमर पुर-भूपा॥  
जो पढ़िहिं यह तुव चालीसा। फल पइहिं शुभ साखी ईसा॥

प्रात समय जो जन मन लायो। पढ़िहिं भक्ति सुरुचि अधिकायो॥  
स्त्री-कलत्र पनि मित्र-पुत्र युत। परमैश्वर्य लाभ लहि अद्भुत॥

राज विमुखको राज दिवावै। जस तेरो जन-सुजस बढ़ावै॥  
पाठ महा मुद मंगल दाता। भक्त मनो वांछित निधिपाता॥

॥ दोहा ॥

जो यह चालीसा सुभग, पढ़ि नावहिंगे माथ।  
तिनके कारज सिद्ध सब, साखी काशी नाथ॥